

LOKALE GRAVPLASSVEDTEKTER

FOR GRAVPLASSANE I HYLLESTAD KOMMUNE

§1 GRAVPLASSTILHØYRING

Alle personar som er busette i kommunen når dei døyr, har rett på fri grav i fredingstida. Dette gjeld også ved bruk av tinga grav og gjenbruk av grav. Dersom tinga/festa grav vert teken i bruk før festetida er ute, vert innbetalt festeavgift ikkje refundert eller godskrive ei anna grav. Det same gjeld ved gjenbruk av grav. Dette gjeld også om den avdøde på grunn av sjukdom eller alderdom har budd utanfor kommunen dei siste 5. åra. Avdøde personar utan bustad i kommunen kan gravleggjast på ein gravplass i kommunen, men det vert då kravd dekning av kostnader ved gravferda; gravferdsseremoni og gravlegging, samt (og) avgift som ved feste av grav.(rev.2021)

§2 FREDINGSTID

Fredingstida er minimum 20 år, men kan setjast lenger av dei lokale gravplasstyresmaktene, til dømes av di lokale tilhøve gjer det naudsynt.

Kommune	20 år fredingstid	30 år fredingstid
Hyllestad	Øn: heile gravplassen	
	Hyllestad: felt C og D	Hyllestad: felt A og B
	Bø: felt C, D og E	Bø: felt A og B stengt for kistegravlegging
	Urnegraver	

§3 FESTE AV GRAV

I lag med ei frigrav kan ein feste ei grav ved sidan av for 5 år om gongen. Dersom ein ynskjer å feste meir enn ei grav i tillegg til frigrav, må ein søkje soknerådet om dette. Desse gravene utgjer då ein gravstad. Feste av gravstad kan berre skje i samband med dødsfall.

Når fredingstida/festetida er ute, kan grava festast vidare for 5 år om gongen ved å betale tilsendt krav om festeavgift. Festeavgifta vert fastsett lokalt av kommunestyret i kvar kommune. Når det har gått 60 år etter siste gravlegging kan festet ikkje lenger fornyast utan etter særskilt samtykke frå soknerådet.

I rimelig tid før fredingstid eller festetid går ut, skal festaren varslast om dette. Dersom festet ikkje er fornya innan seks månader etter at varsel er sendt ut, fell gravstaden attende til gravplassen og kan fritt nyttast om att.

Dersom det ikkje er mogeleg å hente inn festaren eller den ansvarlege sitt samtykke til bruk av ei grav, kan soknerådet avgjere spørsmålet om gravlegging.

Festar pliktar å melde adresseforandring.

§4 GRAV OG GRAVMINNE

Ved opning av grav kan jord leggjast på omkringliggjande graver. Gravminne og planter vert mellombels flytta.

Montering av godkjent gravminne kan skje på tilvist plass når jordmassane har sett seg etter oppgraving, normalt etter 6 månader. Soknerådet vil syte for at grava vert planert og sådd til med gras etter gravlegging. På ny festa gravstad skal gravminnet plasserast i bakkant av den grava som vert teken i bruk, og flyttast til midten av gravstaden seks månadar etter neste gravlegging. Festaren må sjølv ta initiativ til at dette vert gjort og koste arbeidet med det. Kyrkjeverje skal kontaktast og merke rett plassering. Dersom gravminnet ikkje er sentrert innan eit år etter siste gravlegging, syter kyrkjeverje for at det vert gjort og sender faktura for arbeidet til festar.

§5 PLANTEFELT

Det er mogleg å opparbeide plantefelt framfor gravminnet i høgde med bakken omkring. Dersom det ikkje er aktuelt å ha plantefelt skal det vere grasbakke på alle sider av gravminnet.

Storleik: Plantefeltet må ikkje vere breiare enn breidda på gravminnet. Dersom gravminnet er smalare enn 60 cm kan plantefeltet likevel vere opp til 60 cm breitt. Plantefelt framfor gravminnet skal ikkje stikke lenger fram enn 60 cm målt frå gravminnet sin bakkant.

Planting: I plantefeltet må det ikkje plantast blomar eller andre vokstrar som overstig gravminnet si høgd, går ut over plantefeltet eller skjuler gravminnet. Det må ikkje plantast noko utanfor plantefeltet.

Innramming: Eventuell innramming av plantefeltet skal flukte med terrenget omkring. Ved bruk av innramming med større anleggsflate enn normal kantstein (planteplate) skal denne leggjast i drenerande masse (grus), og vere minst 5 cm tjukk.

Dekorgjenstandar:

Eventuelle dekorgjenstandar montert på gravminnet, på planteplate eller i plantefeltet skal vera demonterbart og festast/plasserast på ein slik måte at dei ikkje er til hinder for normalt vedlikehald inntil og rundt gravminnet/plantefeltet.

Dekorgjenstandar skal vere sømelege og av ein kvalitet som tåler tilhøva på gravplassen. Lause dekorgjenstandar (til dømes stearinlys eller oljelamper) skal fjernast etter bruk.

Erstatningsansvar: Gravplasstyresmaktene har ikkje erstatningsansvar for skade på dekorgjenstandar i plantefelt, innramming av plantefelt eller plater i plantefeltet når skaden skuldast vanleg drift av gravplassen.

§6 PLANTEMATERIALE

Plantar, kransar og liknande materiale som vert brukt til pynting av grav, og som endar som avfall, skal kunne komposterast.

§7 STELL AV GRAV

Den som er ansvarleg for frigrav eller festegrav har rett og plikt til å stelle grava i samsvar med gravplassen sine vedtekter. Plantefelt som over tid ikkje vert stelte skal ryddast og tilsåast med plenfrø av den ansvarlege eller av gravplassforvaltaren.

§8 AVTALE OM GRAVSTELL

Festar eller ansvarleg for grav kan inngå ein avtale om gravstell med soknerådet, og betaler på forskot for planting og stell på grav/gravstad. Avtalen kan ikkje opprettast for lengre tidsrom enn fredingstida eller festetida varer. Når dei innbetalte midlane er brukt opp blir festaren varsla med høve til å betale inn meir pengar og såleis forlenge gravstellavtalen.

Dersom det er att midlar etter at grava er sletta, vil resterande midlar verte nytta til generell prydnad på gravplassen.

Gravstellavtalen vert rekneskapsført i soknerådet sin rekneskap.

§ 9 NÆRINGSVERKSEMD

Næringsdrivande som ynskjer å drive verksemd på gravplassane må ha løyve frå soknerådet. Løyvet kan kallast attende dersom vedkommande ikkje rettar seg etter gjeldande reglar. Næringsverksemd skal avgrensast til å gjelde montering og vedlikehald av gravminne, og planting og stell av graver.

§10 RO OG ORDEN

På gravplassen er det ikkje tillate med aktivitetar som uroar gravplassfreden, slik som t.d. sykling, aking, leik eller utøving av sport. Etter gravstell må avfall sorterast i samsvar med oppslag på gravplassen og leggjast i tilhøyrande avfallsdunkar. Reiskap som høyrer gravplassen til, skal setjast attende på plass.

Gravplassvedtektene er godkjent av Bjørgvin bispedømeråd 21.5.2015.